

秀山志卷之十二

詩集 七言律

文選閣

羅 隱

間生元子出蕭梁作選為書化萬邦三代已來成冠絕
六朝餘外更無雙今朝集是羣英仰昨日談非衆耻降
輔國安民新試問滕王空有閣臨江

秀山廟

汪遠猷

生為明哲沒為神一點英靈着處新秋浦溪山最留意
法華禪定是前身九州托庇陰功大六字加封寵渥頻

秀山志

卷之十二 詩集

一

更有使君書事實幽沉從此愈昭伸

訪夏氏白面山居

蔣之奇

白面峰巒碧玉堆故人卜築在巖隈難尋荀鶴舊遊宅
尚有昭明古釣臺滿檻名花紅勝錦一溪流水綠如苔
七閩千里倦行客兩眼眵昏向此開

秀山廟

鄞縣 施應麟

太子生平愛貴池仰瞻廟貌動遐思法華教闡人知重
文選書行世所師四境昭靈災患息三農藉庇雨暘時
功崇報享由來遠歲、中秋值誕期

秀山廟

胡永順

沉沉一廟雜蓬蒿尸祝昭明萬古豪
藻采摭來千鳳羽心思拈出萬牛毛
南朝旗鼓登壇舊東府圖書擁價高
勝蹟從今應莫朽雕蟲能不媿吾曹

昭明祠

李學沆

高齋何幸得躋攀意味千秋尚雅嫺
野色只堪雲去住空庭時見月來還
若延梁祚安存祀賴有僑居永護山
唐宗寶符悲劫火登臨不禁淚潏潏

釣臺

孫仁

秀山志

卷之十二

詩集

二

梁苑多年禾黍生儲君猶有釣臺名
鼎湖龍去髯何在盤石苔深跡未平
日落空林巢野鶴烟橫暖浪躍潛鯨
沿堤種得如絲柳猶訝長綸拂水輕

謁昭明祠

張廷瑞

啓拜重、祝聖神賑饑誰料出儀宸
深仁不負蒼生望急救今逢脫化身
詎為青山登寶座祇圖白水洗心塵
臣歸故土來朝謁說到東宮恁地親

春日遊秀山

博得辭朝歸去兮登臨一望眼中迷
鶯穿柳浪裁新調

燕啄沙汀補舊泥
嶂外雲峰生異彩
坡前樹木自成蹊
天然秀色渾無際
况復昇平樂道齊

咏秀山竹林

孫滋

何年買地植琅玕
王子居成長萬竿
題遍新詩枝掛墨
製成野服籜為冠
披襟北檻風聲細
坐晚東林月色寒
客至不須通姓字
儘教終日此盤桓

秀山廟

余翹

蕭々松陰秀嶂隈
昭明祠廟傍溪開
衣冠未謝應劉盛
羽翼空思角綺來
仙馭夜迴維鶴遠
怨魂春託蜀鶻哀

秀山志

卷之十二

詩集

三

千秋伏臘還茲地
惆悵臺城入草萊

展拜秀山廟

宣紹中

為愛溪山一問津
選樓爭望後車塵
生憎喪亂遊茲土
沒定精靈眷我民
五夜雲旗來帝子
千秋香火奉才人
即今夜月瑠璃碧
裘帶分明得似真

昭明祠

華黃

衣冠原瘞秀山頭
山色青連麥荻洲
池口潮迴千澗碧
鏡潭月到一天秋
文園弓影凌霄起
冊府珠光入夜浮
莫訝穿林多小徑
當筵觴詠約重遊

謁昭明祠

陸寶

丹楹漫壁倚山顛
太子精靈肅野烟
來為觀魚經此地
去因乘鶴到遙天
蕭梁遺憾桐圭滅
文孝新名竹史懸
六代風師堪下拜
誰言玉匣早賓仙

元宵前三日謁昭明祠

陳錦襄

上日凝寒却步頻
今逢晴暖遍宜人
深淵已曉魚龍夜
幽壑還生草木春
壠畔色青牟發早
林間聲嫩鳥啼新
端辰自悵朝天晚
筋骨全祈恕老臣

秀山廟

貴池章永祚錫九

秀山志

卷之十二 詩集

四

秀山之麓鏡潭隈
此地曾經鶴駕來
千古文章供妙選
六朝霸業付寒灰
衣冠瘞處精靈在
松檜陰中野殿開
帝子至今猶廟食
競從伏臘奠邛醅

九日訪文選樓故址

劉廷鑾

梁家帝子到林坵
此地猶傳文選樓
石碣斷殘高士姓
銅扉僅見老僧遊
衣冠故塚山中在
廟食無魚池上秋
向道登高能作賦
講堂前席邈難儔

秀山懷古

張錫蕃

帝子鑿輿此地遊
滄桑瞬息幾千秋
荆生華表衣冠古

雲擁行宮燕雀愁文選樓空山自秀釣魚臺廢水還流
離、黍稷何勝歎猶幸人都拜冕旒

衣冠陵重脩落成

孫邃

抔土由來帝子傳聿脩石室煥林泉冠裳彩振皇圖鞏
鐘簾光聯憲府懸華表烟雲留鶴伴茂林風雨穩牛眠
摘奸功德如相贈劍氣重看射斗邊

文選樓重建落成

當年選閣此山傳鼎構重開世外天一道黃雲輝紫極
數層丹萼湧青蓮座中圖畫臨風玩架上牙籤映日懸

秀山志

卷之十二 詩集

五

自是文星呈景運藜光夜、燦樓前

題文選樓

陳寶鑰

名山藏實豈藏虛美市都從忠孝餘偽晉未刪令伯語
劇秦多錄子雲書乾坤一鏡懸孤榻今古雙珠照石渠
此日樓頭留勝賞莫嗟零落散丘墟

鱣口釣臺

維舟鱣口向城西借得尋山屐自携恰遇初冬登赤壁
更無二客伴黃泥澄湖過雁排橋齒偃樹馴猿接石梯
獨倚釣臺尋往事晚鴉無數夕陽低

夜過釣臺

陳錦宸

風靜潮生夏亦寒扁舟泛月客心安
流輝朗徹三千界急瀨高同十八灘
帆影傍崖家漸遠漁歌達曙夢初殘
昭明舊有垂綸處那復登臺下釣竿

憶文選樓送宗鶴問官其地

吳綺

西風吹雁度江濱送客還疑遠望親
地藉文章傳勝蹟天留臺榭與才人
池魚入饌香羹美山鶴聞琴舞態新
到日樓頭應有憶不須鄉夢往來頻

前題

嚴會槩

秀山志

卷之十二

詩集

六

高樓迴與白雲連名自蕭梁太子傳
六代繁華長已矣千秋風雅尚依然
幾餘陳跡空江上忽爾懷人落照邊
知向池陽官舍近著書那肯讓前賢

前題

王賓

文選樓空鎖暮烟秀山明月尚依然
大江忽憶池陽好舊蹟還因帝子傳
數百里中雲影接一千年後墨光連
少文此去攀佳勝如在邗關古寺邊

咏秀山梁昭明陵寢

貴池唐 蟄

秀山風景最清幽帝子曾經此地遊
崖有金燈光映月

潭開玉鏡影涵秋生前袞冕埋芳嶽歿後文章貯選樓
欲問蕭梁今已杳一坏陵土尚遺留

春日遊秀山

貴池 孫志緯 燦若

瞻拜皇陵入秀峯無邊風景與心融鳥聲撰出才華燦
草色粧成金粉濃一片雲陰空萬壑數聲僧梵度三宗
遙知當日風流最不使山嵐黯淡封

謁昭明廟

江士銓

瓣香低拜落花塵風滿靈旗捲暮春不朽原非因帝子
最尊誰信是才人六朝簫鼓繁華盡百代溪山俎豆新

秀山志

卷之十二

詩集

七

料也難堪江上望臺城烟雨泣麒麟

文選樓懷古

貴池 吳德照 蔚鄰

蕭梁鐘鼓發鴻濛獨秉權衡法取中千載文章歸帝子
六臣叅訂仰青宮書從華削疑皆晰選入丹黃理盡融
白玉欄杆青玉案年、俎豆溯餘風

題昭明廟

石埭曹以顯 孝揚

漢寢唐陵野草仰青宮瘞玉更誰求何期城郭墟千載
猶拜衣冠土一坏魚水有情遺澤永鴻文無偶瓣香留
我瞻廟貌山鍾秀可許緱笙到選樓

文選樓

石埭曹以行山賓

避位儀宸作浪遊為尋名勝到南州前星炳耀臨洙浦
逸事留傳在選樓此日文章光海內當年好尚足風流
憑依山水神靈著萬古烝嘗拜冕旒

文選樓懷古

東流馮荃夢草

千古文章聚此樓一時登眺緬風流清音山水詩誰誦
華表衣冠墓尚脩雲鎖釣臺懸玉鏡月明蕭寺冷金甌
青宮遠謝耽儒服博得名從藝苑留

岑樓峰峙注前星倚檻心懷帝子靈座冷高齋十士散

秀山志

卷之十二 詩集

八

書鏤石室六朝銘清風振古芳垂遠遺愛環池歲薦馨
鶴駕不來春寂寞秀山時見草青青

春日遊秀山

貴池舒謙又謙

信是人間別有天遠籠秋水近籠烟樹根雞犬依雲靜
屋角桑麻帶露妍野竹穿墻時得笋山溪流竈自來泉
此中最愛攀躋好行過仙橋意更仙

常公和尚偕其徒禮三慕輯秀山志詩以贈之

貴池汪廷霖晴川

石城古廟肇蕭梁百里綠慳一瓣香曾幾何時勤采輯

不如我意盡賡颺向余續邑志廣詢秀山神宮夢繞雲霞絢選閣愁深風雨荒嘉爾脩持堅象力又尋山史播
詞章

秀山懷古

貴池 胡光亡 覲廷

一境寬閒不染塵青儲流眄駐朱輪選樓偏漢雲為幄
釣石橫波蘚作茵書入酉山標玉帙魚尋丙穴問金鱗
春風秋月無窮思苓濕榛山弔美人

披籍追尋六代餘蕭梁宮殿久成墟鍾山王氣銷金虎
浦水佳城瘞玉魚雪嶺惟看明月照鏡潭分與白雲居

秀山志

卷之十二

詩集

九

精靈比戶同尸祝豈直名山俎豆予

題文選樓

百代文章筆底收六朝帝子著風流縹囊遙埒溪山色
翠管平兮漢魏秋花塢曉雲封鶴禁鏡潭夜雨擁龍舟
詞壇誰嗣當年響應讓才人據上游
為向騷壇歛鶴鵠因辭丙殿入烟蘿文星高照前星麗
學海潛分少海波梁苑幾年成古堞選樓終古屬崇阿
至今石室留餘韻憑弔誰為感慨多

秀山廟文選樓

貴池周 輔任賢

峩々百代景丹邱帝子雲深鎖碧樓簷鐸曼風聲送遠
錦袍隨日色宜秋名超騷賦詞壇外秀溢鉛黃彩筆頭
欲問當年風會事一灣流水共松楸

何區俎豆不馨香梵影花容過輒忘雅愛縹緗成七代
常留著述啟三唐臺城舊院瀟疎月選閣遺文錦繡囊
高盼岑樓清出迥斗山疑在白蓮鄉

秀山懷古

儲禧文

遠辭絳闕駐林泉為愛幽棲別有天車沛春宮紅杏雨
竿垂秋浦綠楊烟前星光映簷牙吐少海波流俎豆傳

秀山志

卷之十二

詩集

十

回首山寮瞻拜處松風謾々白雲巔

山勢崔嵬聳翠鬟靈棲帝子鎮禪關溪浮豔影樓千尺
碑挂林陰月一彎花塢徑深清鶴籞鏡潭波靜照龍顏
登高曠望情何極英濟風流孰仰攀

選閣丹鉛貯錦囊麟々鳳藻煥縑緗牙籤分列珠璣色
翠管常攄玳瑁光秘闈石渠開橐籥竒搜金匱道真津梁
幾回憑弔愴遺蹟雲護圖書暮靄蒼

烟橫孤嶼鎖松楸神聖衣冠瘞古邱斷碣頰摩苔蘚蝕
空亭小憇薜蘿稠嵐銷細徑暝方霽雨濕深巖翠欲流

夕照微々鴉數點浦泉聲咽野棠秋

謁昭明廟

貴池 王一清紫滄

秀山山色澹涵秋清絕織塵浦水流此日瓣香同入廟
當時選勝獨登樓蕭梁一代文星在桑梓千年福曜留
欲上釣臺思往事那堪風雨響松楸

琳宮莫認梵王家帝子文章轉法華玉鏡潭空千嶂月
金燈崖放一溪花旗張詩社禽聲靜鼓歇茶亭日影斜
豈獨師資惟我輩愛長遺處徧桑麻

題昭明廟

建德 柯舉安 用儒

秀山志

卷之十二 詩集

十一

兆卜蒼梧氣陸離巋然陵寢豎豐碑文芒高朗星辰爛
孝德芬芳草木知玉鏡潭前波淼々寶珠墩外日遲々
我來未酌招魂醴極目淒涼漫賦詩

文選樓懷古

貴池 管昂

奉監南來卜此巖於今池上重遊觀春山秋水騷人蹟
月殿風樓帝子壇似老龍鱗松鬱々如么鳳尾竹珊々
詩僧捧出書盈帙知是昭明手選刊

文選樓懷古

銅陵 楊德峻明也

豈是芳踪寄上方好山好水任徜徉蕭梁富貴雲煙迹

秋浦樓臺翰墨場雅集幾人成勝友遺編示我認周行
登臨凭弔當年事鐘磬聲々下夕陽

文選樓懷古

石埭 沈樂成

為遊浦水憶蕭梁選閣昭回仰七襄不覩珊瑚安華格
猶傳玳瑁溢縑緗食薇採藥同終古擷錦薰香獨壇場
共說酉山高在望繫思爭比秀山長

曾向花村問釣竿高僧指點舊林峦霧深七日斑窺豹
風度三湘氣佩蘭華底文濤秋浦暖樓中霽月秀山寒
敢於凭弔滕王閣捲雨飛雲咏子安

秀山志

卷之十二 詩集

十二

題梁昭明廟

山東 邱縣 王 玖 琚 五

雲巖榱桷燦江東自古青宮幾得同仁孝獨傳名不朽
文章誰似選能工秀山猶見當年景浦水徒聞百世風
博採邑乘懷往蹟公餘潑墨寄詩筒

秀山懷古

石埭 曾光祐

諸峯迢迢勢崢嶸秀擁禪關景倍明嵐氣千重天外捲
烟光一帶寺前縈釣臺尚有垂綸跡少海曾無激浪聲
彷彿蕭梁當世事緱山月夜聽吹笙

釣臺

建德 朱宗培 天樹

當年選勝獨盤桓却把閒情寄釣竿
六代烟雲人已邈一溪風雨石猶寒
文瀾靜擁臨淵悟香鯽潛浮拂藻看
須識嶮岩誰比似富春江上子陵灘

秀山懷古

青陽章聖謨

秀山高矗半空橫烟護危樓色晦明
夜月湖光臺下靜秋風雲影寺前縈
踈鐘敲斷蕭梁恨遺籍吟長帝子名
惆悵東宮何處是石城松竹暮猿驚

秀山廟

青陽袁璋

六朝文藻煥宮墻百代儒風肅典章
人去相看流水遠

秀山志

卷之十二

詩集

十三

書存猶對暮山蒼村醪許共蘋蘩薦藜火
平分日月光幾度登樓獨惆悵欲從笙鶴問津梁

登文選樓

石埭李詩

層樓縹緲接雲津得來遊浩蕩春大放檻前
千里目長懷華底六朝人採華擧實盈奎府鑄古銘
今燦斗辰文選集成何處去瑤函一啟一相親

文選樓

建德丁愈敬莊士

蕭梁遺跡氣氤氳選閣巍倚夕曛千載釣臺秋浦月
百年陵寢秀山雲天開勝境供吟嘯人仰前星薦藻芹

自古不磨惟正氣更欽仁孝一儲君

秀山懷古

孫志行

蒼松鬱鬱映樓居緬想青宮駐蹕初
數縷垂楊朝坐釣一鈎明月夜披書
蓮塘記得當時種竹塢曾留帝子車
佑我先公恩澤重郵傳父老語無虛

文選樓懷古

誰將往事憶蕭梁惟見樓頭燦典章
錦繡摘來光自耀珠璣吐出氣皆芳
曾於藝苑欽才富更向情田佩澤長
架上牙籤輝映處前星的爍夜垂芒

秀山志

卷之十二 詩集

十四

釣臺

孫志肅

石磴輪囷舊釣臺儲君高致絕塵埃
長竿曾向疎楊掛小艇常看碧沼回
松塢曉雲巢白鶴鏡潭夜雨長蒼苔
六朝風物今何在惟有荒臺迹未灰

文選樓

山東 邱縣 王文蘭 廷芳

巍々傑閣倚雲隈一徑逶迤任溯洄
鑑朗輝澄秋浦月墨溶香泛秀山梅
牙籤霞煥珠璣色玉尺心裁錦繡堆
登眺樓頭頻徙倚瑤函寧聽雨風摧

衣冠陵

貴池 程 芳 水

陵寢巍然傍選樓殘碑歷々紀風流浮榮未必身千古
壽世還輸土一邱婦女乞靈成祭掃衣冠崇祀在春秋
空山日落悲颺起斷續猿聲動暮愁

秀山懷古

貴池 章應舉 紹書

間生儲主出蕭梁風範遙開奕葉光懶向京南跨虎踞
爰隨江左放龍驤精神盡馭千秋史擘擷猶餘六代香
勝概依稀何處是寢樓遺墓白雲鄉

重脩秀山廟

貴池 章宗輅 侶商

祇為溪山作勝遊蕭梁遺愛至今留文章筆削千季事

秀山志

卷之十二 詩集

十五

福主衣冠萬戶秋

邑多秋後
迎神賽會

月滿秀峯輝鶴禁星懸浦

水映龍樓馨香從此供尸祝不盡恩波檻外流

釣臺

貴池 王一涵 泳斯

鷗鷺閒々立釣臺遊魚活潑亂萑苕短筇不絕遊人跡
斤石曾經帝子來秋水澄清孤月照春山窳窳旅猿哀
蕭梁事業今何在剩有漁磯卧草萊

文選樓

貴池 姚志鴻 侶鵬

秀山兮翠入岑樓帝子曾經此地留崖燦金燈光射斗
潭澄玉鏡影涵秋珠璣四壁烟痕淨蝌蚪千年墨瀋浮

菟茸至今傳未朽松風蘿月兩悠悠

釣臺

黃光長

何妨暇日思魚美亦有閒情立釣磯玉鏡潭空風颯々
金燈花燦月微々持竿自愛溪流碧寄跡安知時事非
臺砌不隨烟雨沒蕭梁遺跡尚依稀

釣臺

石埭汪相

琅山深僻足清幽釣石依々感舊遊古逕只堪雲去住
空潭惟見月沉浮烟橫隔浦潛鱗躍日落平林野鶴啾
溪畔獨餘千樹柳絲々還認下銀鈎

秀山志

卷之十二 詩集

十六

謁昭明廟

貴池王元梅玉和

石城西挹秀山青秋浦人傳帝子靈獨萃菁英開藝苑
別懸藻鑑黜蘭亭六朝事業溪邊水千古文章閣上星
欲問閒情何處寄釣臺烟雨鎖寒汀

秀山廟懷古

貴池章龍光 滄碧

巍然廟貌妥蕭梁靈爽依然庇一方風鼓釣磯牽荇藻
月明選閣煥詞章六朝事看烟雲幻百代人傳翰墨香
遺澤長流秋浦潤萬家尸祝仰休光

秀山懷古

張全昌

縱遊原不為迹名南國山川劇有情雲擁石城傳鶴駕
波澄浦水結鷗盟雒神肯效陳思賦緱嶺疑傳子晉笙
遺蹟蒼茫生感慨六朝風物已全更

秀山懷古

貴池 王道愷 克正

水秀山明帝子遊衣冠長仰古遺址白眉有句傳秋浦
紅樹多情映選樓一片恩波雲影淡千年文藻墨光浮
秋來簫鼓喧填集純孝深仁頌未休

仙橋春漲

張大韶

少海波留古澗濱涵紅碧影蹙龍鱗鴨頭半擬填河鵲
秀山志 卷之十二 詩集 十七

雁齒平依接漢津兩岸飛花烟渺々一竿垂釣石粼々
只今帝子歸何處依舊春潮帶雨新

秀山懷古

貴池 周廷遜 允懷

六朝事業盡成灰文選樓傳帝子才不藉王家標駿望
獨將儒術重鴻裁松濤壯潤詞源湧山翠晴陰几案堆
秋浦至今崇戴祀衣冠爭向冕旒來

秀山懷古

貴池 韓大篆 體周

殿宇嵯峨隱綉幢高風帝子歎無雙只今繡帙霜經蝕
自昔龍文鼎獨扛椒黍餽寒夜雨衣冠寂寞冷秋江

行人欲問蕭梁事垂釣溪邊一石砭

秀山懷古

東流張純嘏繡千

巖劣危岫接絳河扶筇側望景絲羅烟凝梵宇呈青靄
月湧蓮塘漾白波雪嶺秋晴盤素鶴鏡潭雲淨見靈鼉
六朝帝子今何在惟有青山疊翠螺

春日登文選樓

貴池王夢齡錫九

蕭梁高閣嵌層岫醉倚春風拂袖寒宋艷班香堆畫檻
潘花陸藻壓雕闌雲開翠嶂松千尺煙淨澄潭竹數竿
六代繁華何處問鷓鴣聲裡夕陽殘

秀山志

卷之十二 詩集

十八

昭明祠

貴池朱相端正揆

詢是蕭梁一俊儲獨從聖學悟真如依庭自足稱純孝
監國還能作校書六代文章歸卷軸千秋風雅重璠璣
當年選閣今猶在璀璨何須羨石渠

釣臺懷古

張大賓

天潢流派注平沙為愛烟波傍水涯千古游絲垂柳線
一泓碧浪皺溪紗綸竿自混漁人跡冕黻寧思帝子家
石上藤蘿秋色老閒尋遺跡泛仙槎

秀山懷古

吳國鼎

一潭秋水接青冥數面晴峰擁翠屏龍去鼎湖雲漠漠
鶴歸華表月亭亭鏡潭不絕遊人跡銀榜猶欽帝子靈
遙憶校書高閣上藜光璀璨映前星

秀山懷古

黃文光

何年鶴駕此停車一片寒山滿落霞極浦垂楊踈映水
高陵幽鳥亂啼花六朝舊縣餘荒驛千載前星冷翠華
頻過釣臺思往事履霜終古一長嗟

文選樓

貴池程橘月丹

青宮辛苦萃羣芳禮拜樓頭肅舊章勝蹟已遺千載愛

秀山志

卷之十二 詩集

十九

斯文猶漱六朝香終經倚檻離塵界每喜披圖盡繡囊
更有寶珠墩上月夜深時送杖藜光

秀山懷古

貴池王一遠

長辭絳闕入烟岫高據樓頭恣大觀六代文章歸筆海
千秋風雅出詞壇醉吟花塢香風暖罷釣秋波夜月寒
勝景依然人不見烟霞空護舊衣冠

浦水林岫一望收天然罔畫豁明眸雲封鶴禁斜陽暮
花老蓮塘玉露秋雪嶺寒飈催落木琅崖漁笛起眠鷗
縈懷帝子增惆悵玉鏡潭頭水自流

玉鏡潭

一泓碧色與天俱風景依稀入畫圖古岬烟開停野騎
春風浪暖浴沙鳧林光返照深還見山醉遙涵淡欲無
最愛月明秋夜裡澄波靜湧一輪孤
一竿坐釣綠楊陰人去風流尚可尋日落荒臺魚擁浪
雲來幽塢鶴巢林靜看此日澄潭水想見當年帝子心
欲賦招魂何處是野猿啼入暮烟深

昭明廟

貴池 施師敷 禮沿

風流千載屬儲君跡涵漁樵絕世紛闡省詎忘桑梓念

秀山志

卷之十二 詩集

廿

騷壇曾飲鶴鵝軍一從鶴駕歸仙島誰棹龍舟泛暮雲
餘得恩波流浦水至今瞻拜意殷々

文選樓

層樓高築碧雲間帝子南來此放閒風月一溪供遠目
文章千古貯名山水流檻外含清韻峰列窓中擁翠鬟
六代詞宗歸少海前星烟々照人寰

秀山懷古

東流 張全 韻 丹木

蒼翠山容面碧流儲君舊日駐行騶危岑常擁雲千斤
遠水時含月一鈎選閣共探緗帙富寢陵空見玉魚留

停舟坐向澄潭曲獨有鷓聲對客愁

遊秀山登文選樓

曾溢

名山挺秀甲池陽一寺當林古道場五代表衣冠巖穴冷
六朝風韻薜蘿香晚敲法鼓秋潭月曉振踈鐘浦岬霜
此日登臨懷帝子空留斤石憶蕭梁

文選樓懷古

貴池張映斗

蕭梁帝子棄華簪鶴駕翩翩此地臨自昔文章推妙選
於今山水有清音秋晴香繞蓮塘靜春暖雲堆雪嶺深
憑吊風流猶近古愧無好句刻碑陰

秀山志

卷之十二詩集

十一

釣臺

曾把長綸拂水涯到今盤石長苔花鏡潭空自浮孤艇
柳岸猶看噪暮鴉幾疊青山環古剎一灣碧水湧漁家
臨風憑吊當年勝山外依稀落照斜

綠楊影裡小舟橫接武祠江避世榮坐石獨看青笠擁
辭塵長共白鷗盟岫當斷處雲能補潭到秋來景倍清
梁苑已歌禾黍秀青儲猶有釣臺名

釣臺

貴池陳泗魯亭

柳影依依覆翠苔溪山四面畫閣開鏡潭波靜沙鷗集

玉笛聲殘野艇回千載前星橫碧落一竿明月憶雲隈
遊人寂々空山下我欲臨風薦綠醅

文選樓

建德朱鎮殿邦

巍々傑閣秀山西攬勝蕭梁客思迷心鑑靜澄溪畔水
華花高射杖頭藜六朝禾黍消殘劫千古文章八品題
憑弔琳宮尋逸事夕陽古樹暮猿啼

文選樓懷古

銅陵俞之陞殿階

峩々傑閣石城西一徑逶迤路隔溪峰吐斷雲秋雁渡
松留殘照暮蟬嘶只今憑弔人爭仰自昔高閒孰與齊

秀山志

卷之十二 詩集

廿二

浦水寒流々不盡釣魚臺畔草萋々

文選樓懷古

貴池程瑾

試從六代問蕭梁選閣還留翰墨香羅聚金閨勤採輯
紛披玉軸映琳琅山啣月色當樓出雲送溪流入澗忙
惆悵釣臺千古在持竿誰復共徜徉

釣臺

孫逢春

秀挹山川古釣臺沿溪面々畫閣開迎風柳線垂還起
逐浪漁舟去復回野鶴獨歸松竹塢沙鷗羣戲水雲隈
平瞻帝子垂綸處無限風光取次裁

釣臺

葉攀

六朝風物已全更此地空餘釣石橫
玉鏡有人浮小艇竹竿誰與控長鯨
苔侵碑上留題古雲到溪頭放月明
遺韻千秋殊未杳登臨遙見古人情

文選樓

桂正英

帝子聲名石室留騷壇自昔擅風流
千秋文采推專席一代衣冠憶古邱
光燦前星橫碧漢波分少海渥南州
至今浦水留餘韻愛向高樓秉燭遊

釣臺

秀山志

卷之十二 詩集

廿三

曾與溪山作主人釣臺猶見石輪囷
烟銷崖擁金燈麗日落潭開玉鏡新
萬點白波迷宿鷺一灘皓月躍潛鱗
綠楊樹老垂絲細還憶當年理釣綸

秀山

張

翮

思遠

寬閒一境接塵緣策蹇行來意爽然
松塢雲橫凝夕照鏡潭水落起寒烟
陵前夜雨啼猿狖殿角春風叫杜鵑
憑吊美人何處是溪頭明月自娟娟

文選樓

貴池

彭大鰲

國尊

傑閣由來枕翠函翬飛今復敞奇觀
光含鏡水鑿儀肅

秀聳燈崖絲伏攢袞冕一朝辭帝闕風流百代仰騷壇
巍々廟貌霏烟景延仁長吟澧有蘭

文選樓

貴池 宗士綖 以和

東南秀氣鬱林邱文選樓高此地留雄踞石城千嶂合
光聯少海一星浮青藜照夜杼文藻密竹環扉謁冕旒
今日共覘新氣象歡騰遠邇聽歌謳

文選樓

洪 範

危樓結構絕塵氛帝子常留石室文緗帙千秋供鼓吹
牙籤五色爛烟雲波澄少海當春漫光閃前星入夜分

秀山志

卷之十二 詩集

卅四

憑吊空懷遺跡在登臨許我薦香芹

蓮花塘

蔣世澤

盈々一水靜橫塘異萼絲披妬靚粧波暖香生風遠近
月明翠擁色微茫陰移碧柳魚爭戲葉幕寒烟鷺欲藏
記取當年勤手植至今十里有餘芳

玉鏡潭

張 周 相宸

澄潭景擅石城西一片清光映柳堤逐隊爭看浮野雁
鑑形應欲舞山雞暈舍夜月流雲淨影落晴峯夕照低
借問六朝金粉地可能輝映到山蹊

釣臺

貴池 王者助 去非

粼々釣石轟千秋
六代青儲跡尚留
滿塢晴雲疑駐輦
一潭春漲憶停舟
萋々芳草連青嶂
斤々輕鷗擁碧流
新月一痕波際影
游鱗還認下銀鈎

秀山懷古

孫雲峻

脩然高致謝金輿
到處投綸復著書
選閣至今依碧樹
釣臺終古漾清渠
六朝脂粉銷鎔盡
萬軸牙籤次第舒
更有思波流少海
千年遺澤徧村墟

釣臺

林增秀

秀山志

卷之十二 詩集

廿五

粼々片石據山隈
勝概千秋尚未灰
當日烟霞聊寄跡
至今憑弔共傾杯
龍舟駐處雲成冪
鶴駕回時月滿臺
幾縷垂楊橫夕照
長綸還訝拂波來

謁秀山廟

吳大祐

儲君盛跡幾經秋
今日蒼茫感舊遊
千載衣冠垂不朽
一時廟貌慶重修
憶從鶴駕歸瑤島
幾見龍舟駐碧流
多少風光吟未了
却思展拜薦瓊羞

文選樓

孫全青

蕭梁帝子跡常留
歷々風規貯選樓
石室遺文光射斗

鏡潭夜月碧涵秋一時高據騷壇席千載平兮少海流
憶自樓頭停鶴駕至今南國仰前休

釣臺

人去臺空蹟未更蒼茫烟景望中生風牽柳線如絲墜
浪疊魚鱗似鏡明自古幾人稱大隱到今誰復控長鯨
坐看當日垂綸處月湧波心徹底清

春日登文選樓

石埭 舒法源 崑山

春風芳草馬頻嘶閒上高樓日未西玉軸牙籤輝石室
雲章寶翰燦金泥簷前翠落千峰出檻外花開萬樹齊

秀山志

卷之十二

詩集

廿六

事業蕭梁今寂寞綠楊陰裡子規啼

選樓晴望

江岸徽

日麗長空寄遠眸晴光交映選文樓水流一派青蘿帶
山列千峰碧玉鈎風靜蓮塘花拂檻烟環秋浦草平疇
蕭梁帝子今何在大地文章一望收

秀山懷古

王國安

峰迴路轉隔塵寰景色紛乘指頰間雪嶺雲橫迷鶴禁
鏡潭月湧憶龍顏丹崖疊々籠烟翠碧樹重々映日斑
風韻千秋殊未杳閒來攬勝共躋攀

昭明釣臺懷古

東流張惠聖修

蕭梁帝業已成灰此地惟餘一釣臺
春雨潭邊縈碧柳暮雲石上鎖蒼苔
曾誰泛艇來鳧渚空憶垂綸傍水隈
坐話當年風韻事烟波影裡幾徘徊

文選樓

貴池胡正邦斗南

選樓高峙出塵氛玉局香臺豈足云
盈塢烟霞籠鶴駕一廳風雨訂鴻文
珠璣時向胸中吐涇渭都從筆底分
遺跡至今猶未邈詞壇千古永流芬

釣臺

秀山志

卷之十二詩集

廿七

鶴駕應知去不回猶留遺跡倚岩隈
潭沉玉鏡寒山暮崖擁金燈浦水洄
夾岸踈楊藏小艇沿堤峭石長新苔
劇憐帝子垂綸處惟見清流繞釣臺

昭明釣臺

貴池王大輅範殷

逶迤一徑遠烟蘿斤石輪囷掩綠莎
雪嶺暮凝晴靄徧屏山秋冪晚雲多
已無香餌垂明月空有踈楊漾碧波
憑吊遺徽生慨感瀟灑風雨和悲歌

玉鏡潭

貴池張文灝若瀾

岸倚虬松繞薜蘿澄潭漱灑擁清波
烟凝荇葉明猶見

光燦菱花皎若何常借秋光輕拂拭偶因春雨淨研磨
一天月色三更夜疑見儲君鼓棹過

登文選閣

東流 張怡裕 遂韶

閒登高閣憶儲君四顧風光絕俗氛猿嘯時從風裡度
龍吟常向月中聞春深椽桷留紅雨日暮簾櫳翳白雲
鶴駕不回幽徑寂空餘細帙映斜曛

過秀山謁昭明廟

貴池 周家龍

秋浦尋芳到古祠蕭梁遺愛繫人思須知仁孝端根本
豈獨文章賴主持千載馨香常似此九重富貴復何為

秀山志

卷之十二 詩集

廿八

我來瞻拜簷楹下山水清音憶舊時

玉鏡潭

貴池 程英 咸孚

為愛儲君垂釣處清流皎潔帶晴嵐淡痕新月波心見
秋影征鴻水面涵夾岸柳條爭滴翠沿堤草色半拖藍
輕舟夜泛襟懷豁共指前星映碧潭

文選樓

貴池 程上國 蓋臣

名山石室貯遺文萬卷都從筆底分胸次朗涵青嶂月
筆端濃染鏡潭雲先生四壁牙籤富輝映千秋玉帙分
帝子高踪猶未杳幾人憑弔對斜曛

秀山懷古

王鳳鳴

千載山傳帝子名
扳蘿躡屩弔前型
選樓高構朝會日
玉鏡低涵夜浴星
一塢花繁紅裹屐
數峰嵐合翠為屏
六朝風物今全改
惟有名山入眼青

文選樓

岑樓登眺憶儲君
稽古常留石室文
一塢烟霞供點綴
千秋湮渭併區分
檻前罔畫排青嶂
架上牙籤映彩雲
遙憶六朝供選注
至今藝苑有報聞

昭明廟

朱鳴國

秀山志

卷之十二 詩集

廿九

鼎鐘曾棄羽毛輕
水秀山竒暫隱名
韻選六朝高閣迥
風流千載斷碑橫
波翻少海盈秋浦
彩煥前星照石城
遺廟至今崇血食
丹楓深處一燈明

釣臺

貴池 孫雲錦 進階

盤石周環古釣臺
危磯高倚碧雲隈
空餘小艇橫波去
不見長竿拂水來
題句何妨摩斷碣
觀魚仍許坐蒼苔
六朝金粉消磨盡
少海波澄自溯洄

選樓懷古

貴池 章文治 蒼明

為愛名幽著意尋
只今空谷譜高吟
六朝書萃文人韻

千里波迴孝子心自是軒車忘顯跡何妨山水寄清音
蕭梁風雅如相覲雲滿樓頭月滿林

秀山懷古

王錦江

儲君遁跡此山岑高致嶙峋寄遠心閨苑幾年騰鶴駕
澄潭千古憶龍吟風生幽徑花粘袖日落青峰鳥噪林
萬丈紅塵都不染唯從藝圃得相尋

昭明釣臺

釣臺高峙絕纖塵攬勝登臨憶昔人鶴駕去時空有跡
漁舟泛處望無垠月鉤倒映疑垂餌柳線斜橫憶放綸

秀山志

卷之十二

詩集

卅

太息儲君遺跡杳薜蘿長護石鄰

昭明祠

貴池陳在朝
事成

山水迴環遠俗塵六朝帝子駐征輪跡留秋浦報名舊
書校蕭梁卷帙新獨有逸情超萬古詎誇筆力挽千鈞
選樓自昔留餘韻坐倚軒牕眺望頻

秀山懷古

宋飛熊

岑樓奕々敞烟扉帝子巡行得所歸馬鬣獨看松磊砢
魚臺共指石崔嵬天仙橋畔波猶徹菡萏池頭草尚肥
憑吊英靈何處是秀峯時吐碧雲飛

秀山懷古

夏光第

青宮人逝失追攀
陵寢常封石藓闌
過客于今馨俎豆
前星終古照雲山
波縈柳影潭千尺
碑卧松陰月一彎
獨上選樓尋勝蹟
數聲啼鳥到禪關

釣臺

黃楨碧

絲絲楊柳拂沙灘
緩步尋芳興未闌
此日釣臺新長蘚
當年帝子舊垂竿
池邊鷗鷺排仙仗
天半雲霞護法冠
寄語登臨詞賦客
留題莫作布衣看

秀山

陳國英

秀山志

卷之十二 詩集

卅一

岑樓屹立翠微巔
帝子遺踪亘古傳
當日詞章供甲乙
於今文物映山川
千村波潤同甘雨
一片星芒徹遠天
佑我池民真福主
馨香奕禩薦瓊筵

文選樓

彭紹輔 進賢

玉貌金容顯翠巒
巍峩峻宇壯奇觀
水於秋後清堪掬
山到春來秀可餐
為愛嘉魚供盛饌
獨留遺籍占文壇
徘徊選閣軒窓上
千尺松陰夜月寒

秀山懷古

彭銳 捷書

勝地風光似太初
六朝帝子駐金輿
山靈有約懷堪遣

野色無邊畫不如雪嶺雲深巢宿鳥鏡潭波暖躍潛魚
幾回携酒岑樓上愛借青燈夜校書

文選樓

鄭棟梁

巍然高閣挹林邱聞是梁儲舊選樓松竹尚存三徑綠
烟霞分擁一庭幽文懸日月光梨棗德遍蒼黎起頌謳
聖跡衣冠應不朽至今千載仰風流

昭明祠

謝嘉卿

千載儒宗邁等倫池陽駐蹕沐深仁清心常映澄潭月
膏雨頻沾浦水民韵紀六朝風未渺文傳百代韻猶新

秀山志

卷之十二 詩集

卅二

只今選閣登臨日松竹蕭蕭絕點塵

文選樓

張天球

高敞雲樓對翠屏詞章入選炳丹青行間咳唾成珠玉
架上牙籤第丙丁文囿淵源通少海墨花璀璨映前星
名山石室垂芳遠騷客尋幽遠乞靈

昭明釣臺

貴池 桂枝芳 韵華

泛棹頻臨古釣臺六朝遺跡未曾灰磯頭酌酒邀明月
石上留題篆翠苔遠浦波流漁艇出隔潭山峙画屏開
為憐少海龍遊處不見長竿拂水隈

釣臺

貴池 張映尾 履中

為訪儲君古釣臺登臨高倚碧雲隈一竿曾向楊枝掛
千載猶疑鶴駕回芳樹春深含翠靄丹崖秋淨老蒼苔
只今垂釣人何在惟見沙鷗自去來

過秀山謁昭明廟

貴池 郎廷玉 巨卿

孝德由来邁帝王青宮留韻紀蕭梁何年會見金根駐
長此人供玉食香高塚一坏存黻冕岑樓百尺煥文章
我來瞻拜情何限鐘磬報送夕陽

過秀山謁昭明廟

貴池 吳 琨 侶璋

秀山志

卷之十二 詩集

卅三

閒尋往事問蕭梁千載風流翰墨香石著釣臺依浦水
書留選閣煥文章鸞函纂輯人盈座鶴禁清幽月轉廊
試看前星臨棟宇軒窓終日仰輝光

秀山廟堦前步月

貴池 孫全紀 秉飭

秀山幽靜駐心旌閒步堦前月正明花送清香難辨色
松分踈影寂無聲玉墀積雪侵肌冷銀漢裁雲拂地輕
人目選樓高在望六朝風韻助吟情

釣臺

胡正學

游鱗先作水雲媒賺得儲君鼓楫來高節甘隨漁父隱

閒情常逐酒樽開
鳧舟次第橫波去
鶴駕翩躚帶月回
為愛鏡潭清見底
坐依盤石拂莓苔

大殿落成

貴池 林有芝

面、溪山擁大觀
巍、殿閣傍青巒
晴霞色護朱欄麗
夜月光凝玉檻寒
千古文章昭宇宙
百年黎庶拜衣冠
愧余未與鳩工力
佩澤長教服芷蘭

登文選樓

貴池 胡文英 仰隆

層樓憑眺思悠然
萬軸琳琅聚目前
石室蒐羅心鏡澈
金闈分校杖藜懸
清風挹我青霄上
明月窺人碧漢邊

秀山志

卷之十二

詩集

卅四

極目琅崖烟渚濶
放歌時有釣魚船

天仙橋

林正清

雙亭屹立一橋連
步履飄、思欲仙
時有泉聲供靜聽
更多鳥語結清緣
松關鶴擁雲千片
竹筵僧擔月一肩
參得當年棲隱意
何須辟穀學逃禪

選樓懷古

貴池 孫全炳 叔煥

儲君千載擅儒宗
選閣高標碧漢中
山列秀峰屏入檻
波漾浦水鏡涵空
瑤編次第翻風綠
錦軸分明映日紅
獨倚晴窗間眺望
仙橋人去獨扶筇

秀山廟懷古

高密 單作哲 侗夫

六朝文藻煥宮墻百代儒風肅典章人去相看流水遠
書存猶對暮山蒼村醪共許蘋繁荐藜火平分日月光
幾度登樓獨惆悵欲泛笙鶴問津梁

釣臺

桐城王 華濱麓

玉鏡潭空倒影來每臨落日弔溪隈蕭梁事業無餘土
帝子風流有釣臺明月一竿春水濶綠楊雙槳西船迴
只今遺蹟寒烟裡細雨年、長碧苔

秀山懷古

貴池 胡應中友嘉

秀山志

卷之十二 詩集

卅五

盈、秀色擁崇巒駐輦曾看萃大觀崖閃燈光金泛彩
潭澄鏡影玉凝寒空留峻閣標文選誰步荒臺把釣竿
賴有謳歌聲不斷年、犧酒拜衣冠

秀山懷古

貴池 章世昌 熾華

一塢衣冠正氣垂風樓月殿敞瑤墀選文主筆人宗仰
載米盈舟客繫思臺畔竹竿迷翠輦山中松蓋護靈旗
南朝事業空金粉俎豆千年亘若斯

昭明祠

東流 孫錦袍 鵬飛

空山下馬弔叢祠帝子精靈久駐斯香鯽自殷蘋藻荐

蠟鵝曾有鬼神知
衣冠墓古春雲護
玉鏡潭空夜月窺
獨上選樓憑西檻
風流千載起相思

文選樓

前人

突兀簷牙秋浦濱
蕭梁人古西樓新
波翻少海雲千頃
光映前星月一輪
集腋成裘皆粹美
鎔金入冶自精純
天然山水清音裡
絲竹何須四壁陳

仙橋春漲

汪遇春

春漲溶溶繞秀峰
仙橋橫亘架長虹
危亭倒影浮沉見
明月凌空上下同
日暖柳絲牽鴨綠
風微雁齒躍鱗紅

秀山志

卷之十二

詩集

卅六

幾回欲泛星槎去
文選樓頭有路通

玉鏡潭

東流張萬清懷珍

當空秋月映澄潭
皎潔波心一鏡涵
微雨過時輕泛綠
碧雲淨處遠拖藍
芰荷香煖魚遊緩
楊柳陰沉鳥語酣
憶昔儲君垂釣後
至今彷彿駐龍驂

文選樓

前人

蕭梁帝子擅風流
藝苑儲英貼選樓
月斧雲斤空六代
青宮銀榜壯千秋
牙籤時有藜光映
珠幌疑看鶴影留
萬卷披尋風雨夜
釣臺乘興偶垂鈎

昭明祠

貴池 劉聖謨

夕照踈林野雉飛參差樓閣望中微
潭沉玉鏡留烟艇
崖冪金燈映釣磯
繞徑雲封黃葉寺
校書藜閃碧紗幃
茂陵遺艸蘭臺雪
石室文存大雅歸

秀山懷古

貴池 孫遇龍 德均

寂歷寬閒曲徑幽
選文於此構岑樓
鏡潭水湧雲千頃
雪嶺峰懸月一鈎
故國六朝人已遠
高風萬古蹟長留
晚烟漠漠寒溪上
時有漁郎夜泛舟

秀山懷古

貴池 汪光涵 皓如

秀山志

卷之十二 詩集

卅七

為問蕭梁事若何
清閒誰似此巖阿
空瞻金闕雲千里
但近丹崖月一窩
潭映前星澄夜色
浦分少海漾春波
憑樓攬眺情無極
都把吟懷付浩歌

謁昭明祠

貴池 汪 濤 錦川

廟貌巍然鎖寂寥
閉門人靜遠塵囂
烟霞托跡追三讓
編輯留心壽六朝
少海恩翻秋浦浪
明禪香噴石城橋
秀山日暮餘暉照
別有謳歌寄牧樵

文選樓

貴池 傅從厚 履忠

六代斯文獨任難
巍巍選閣敞奇觀
蕭梁鐘鼓埋禾黍

帝子衣冠重鼎盤十里秀峰排筆暉一泓秋水吐詞瀾
牙籤錦軸堆盈架繙閱芸窗夕照殘

登文選樓懷古

東流 吳 錕 金南

選樓晴望碧雲低佳氣葱蘢柳色齊少海波流潭漱玉
前星光照杖燃藜六朝風韻留金石千古文章愛品題
為問蕭梁人在否鶴軒時御日輪西

前題

東流 吳 江 巨泉

高倚青山梅選樓主持風雅足千秋搜羅漢魏歸陶鑄
點竄丹黃任校讐帝子何年遊碧落文星依舊照溪流
我來吊古情無限不盡烟雲筆底收

秀山志

卷之十二 詩集

卅八

秀山懷古

貴池 梅遇昇 葦庵

秀聚岡巒翠色連客遊偏愛舊山川鄂公臺畔留殘月
帝子樓前拂曉烟驛路至今餘馬跡鶴林自古貯鴻編
重新殿宇文星燦俎豆千秋列几筵

釣臺懷古

貴池 何如鑄 經范

蕭梁景物却全非勝地猶餘舊釣磯磐石苔深人已去
鏡潭烟冷月常依波心時見金鱗躍天際空思白鶴歸
千古高風留一綫傾觴憑弔夕陽微

秋浦泛舟

查融 碩猷

溶、浦淑抱村流一葉扁舟逐浪浮玉鏡晴輝溪浸月
金灯夜燦水明樓選文閣上棲元鶴釣鯽臺邊起白鷗
獨倚篷窗閒弔古滿身風露未歸舟

文選樓

皖桐 陳啟佑 立山

樓敞文光夜逼天青宮選政主當年酉山積卷不藏秘
少海分流如鑿泉筆底丹黃徵道載人間絃誦仰師傳
惟嗟薄宦歸來晚展讀依然手一編

秀山懷古

桐城 吳如旭 篠田

秀山志

卷之十二 詩集

卅九

百雉臺城芳州沒千秋選閣秀山存文懸斗柄昭銀漢
人逐溪流下白門子晉吹笙分道骨陳思作賦稟靈根
蕭梁帝胄誰能匹可奈青年越九原

秀山懷古

桐城 朱桂芬 露清

維摩寄託遠塵埃傑閣欣從此地開孝行百年存至性
文章千古擅奇才精英永藉山靈鎮風雅多尋浦水來
聞道廣陵留勝蹟何如秀嶺足徘徊

文選樓懷古

桐城 童兆龍 霽雲

六代繁華已變更緬懷帝子激悲鳴自遭讒口來秋浦

長此天顏別石城文選自探書裡秘孝思難遣夢中情
淒涼較勝陳思輩未及閒心賦不平

玉鏡潭西釣石東回頭往事碧雲空高吟誰是羅昭諫
紀載惟傳陸放翁尚有好花明綠墅已無舊燕認青宮
試看斷碣銅駝卧抹蘚荒坵夕照中

重新昭明聖殿恭紀

貴池 何光烈 天秩

六代皇儲百代神巋然廟貌喜重新身辭北闕披青簡
地拱南園近紫宸陵寢至今依梵宇衣冠長此式池民
丹楹刻桷光華啟展謁年、薦漆蘋

秀山志

卷之十二

詩集

四十

輝煌殿宇壯岑阿勝地何年鶴駕過入饌香魚遺味好
滿艘玉糝濟民多前星彩徹崖燈焰少海恩餘浦水波
擊鼓撞鐘叅謁後六朝韻事聽樵歌

釣臺懷古

貴池 吳敦仕 作賓

渾空玉鏡漾清流孤棹曾經帝子遊辭闕無心棲鶴禁
持竿有意托羊裘不妨地僻人偏少但覺林空境自幽
石上只今苔蘚長春來尚有客維舟

釣臺懷古

貴池 桂運昇 巨川

偶從岩下汎舟過憑眺遺臺觸慨歌石壁尚留詩句在

鏡潭惟駐月光多文章千古輝黃卷惠澤三春湧綠波
欲借當年竿一試有無香鯽度如梭

文選樓懷古

貴池 桂鳳翔 玉聲

何年岩畔結岑樓卷角飛筵近斗牛筆墨有靈香未泯
山川非舊韻長留六朝金粉溪邊洗千古文章閣上收
憑弔高軒斜日下雲林近送鶴聲悠

文選樓

貴池 彭汝達 尊三

山、環繞水涵秋駐蹕曾經帝子遊樹拂瑯崖殘照落
潭澄玉鏡晚風悠六朝事業空千古萬選詞章貼一樓

秀山志

卷之十二

詩集

四一

我欲登臨尋往蹟牙籤依舊恣探搜

昭明陵寢

貴池 郭麟瑞 潛堂

蔓草荒烟塚一坵衣冠瞻仰獨夷猶釣臺不共蕭梁改
選閣長為帝子留雲擁秀峰千尺峻水縈玉鏡四時秋
只今憑弔松楸下夕照蒼茫樹色浮

文選樓

貴池 鞏恒清 真安

天將文運啟蕭梁帝子樓高翰墨香千古經綸昭卷篋
六朝風韻譜詞章前星照檻光逾燦少海分波澤自長
立德立言俱不朽從知俎豆遍池陽

文選樓懷古

桐城童 聯澹澥

選樓山抱勢崇隆夜，文光徹秀峰根祇六經真帝子
搜羅萬卷作儒宗岩高落日爭栖鶴松老摩天欲化龍
回首臺城雲氣散悲風泣兩夜台封

前題

桐城童永鎔啟賢

菁華搜摘入岑樓不問青宮舊冕旒寂歷魚竿虛歲月
蕭條鶴禁冷春秋花容照水千枝淡柳色垂檐萬縷柔
極目荒陵頻悵望松聲謾、使人愁

秀山懷古

桐城段 章赤模

秀山志

卷之十二 詩集

四二

棄國來泛浦水遊蕭然遺跡幾春秋六朝冠帶埋荒灶
千古文章屬選樓殿角尚懸星燦爛潭心空映月沉浮
蠟鵝隱恨終難釋夜，慈烏泣未休

文選樓懷古

桐城 汪兆鶴東堂

浮雲事業逝難留搜摘菁英百尺樓到處遍徵新麗藻
六朝空憶舊風流時住持遍山巒聳峙依然秀浦水滢
洄總似秋桂殿遺容一再拜瓣香不禁思悠悠

釣臺懷古

吳中蘭

碧潭如鏡水潺，釣石橫欹潭水灣帝子一時留玉趾

土人千載指卽山夕陽雲樹蒼茫處夜月綸竿想像間
香鯽至今猶出沒更誰把釣坐苔斑

放生池

桐城王澄濬川

一帶秀山多古蹟放生池上更怡情長橋卧水涵空碧
野苻牽絲徹底清松影日移交竹影梵鼓風引入溪聲
幾回閒倚石欄畔疑在濠梁樂自生

文選樓懷古

桐城童先第華祝

選樓高聳峙江濱帝子憐才今古聞萬卷秘書歸大雅
千秋睿鑑屬儲君山開函譜雲連岫陵動香風草化芸
秀山志

卷之十二 詩集

四三

嘆息興亡都是幻臺城寂寞照斜曛

前題

貴池管清輔世儀

夙稱學海問誰儔萬卷旁搜入選樓花拂曉雲供點綴
簷飛暮雨雜吟謳品題兩漢都成錦肇起三唐早集裘
王氣金陵蕭索盡秀山千古艷風流

玉鏡潭

管清輔

菱花泛濫水漫漫勝跡流傳恣大觀風靜雪濤魚上藻
漲添春雨艇橫灘金燈影射晴鷗暖玉鏡光浮皎兔寒
別有桃源堪避俗釣台楊柳任垂竿



昭明祠

貴池 宋廷瑛 天極

宮殿巍峩景象新
雲林深處列楓宸
文壇雄據詞鋒峻
惠澤旁流浦水春
香靄選樓飛爨豔
山高陵樹接嶙峋
雕甍繡柱重輝耀
俎豆千秋荐蓂蘋

釣臺懷古

貴池 黃正元 立中

蕭梁事業竟如何
尚有荒臺倚碧波
烟笠雨蓑辭北闕
玉階金殿付南柯
辨香此日風聲遠
垂釣當年月色多
抹蘚試尋殘碣字
登臨不禁發高歌

秀山懷古

貴池 夏建寅 虎文

秀山志

卷之十二 詩集

四四

帝子巡行逝不歸
當年故址石崔嵬
萬株松長龍鱗老
一片碑殘鳥跡稀
玉鏡長開天倒影
金燈高閃月添輝
祇今選閣留風雅
猶見前星映紫微

文選樓懷古

貴池 方大經 名達

選樓高托翠微顛
斷碣殘鐫綠蘚連
極目江峰青插地
環山古樹碧浮天
魚梁明月留棲雁
葦岬斜陽送遠船
今日登臨恣眺望
文章千古足流傳

文選樓

貴池 方定國 元宰

選閣巍峩敞翠巔
憑欄風景望中傳
一泓浦水仙槁接

幾點珠墩玉鏡連松榦長撐陵寢月荻花間掃釣台烟
名流到此多題咏佑啟人文屬後賢

前題

貴池 雷鳴皋建平

奇峰秀挺控南州帝子曾經此地遊遺愛有書皆錦繡
登樓鎮日恣尋搜文星照耀遙天徹藜火分明画檻浮
指點鏡潭清徹底一泓浦水宕春流

蓮花池

貴池 葉相昂

帝子乘輿愛此遊蓮花池上坐清流輕扶翠葉隨波折
低舞紅花逐浪浮淡月魚窺驚画舫曉風人靜狎閒鷗

秀山志

卷之十二 詩集

四五

一泓澄處真如鏡點綴仙葩勝蹟留

秀山即景

貴池 楊中秉忠

六代菁華此地收到今題咏徧名流山間爽氣籠金闕
樹裡輕烟入画樓地綴寶墩珠色燦潭澄鏡水玉光浮
皇儲遺愛千秋蹟多少詩人續勝遊

春日同友人遊秀山漫興

貴池 桂清遠 殿邦

秀峰行在壯千秋画意詩情一望收柳色綠添青瑣重
桃花紅逐碧波浮烟籠紺宇鐘聲出雨過岑樓山翠流
最愛東宮多勝蹟因偕佳客快招遊

春日謁衣冠陵有感

貴池桂 宜 翠昭

爲尋遺址愛春晴禮拜陵臺切景行翰墨久經香選閣
衣冠猶自燦佳城古松浥露垂階淨芳艸籠烟繞砌榮
爲問六朝金粉蹟何如坏土寄精英

鏡潭石臺梁太子釣遊處今唐尉遲鄂侯廟在焉

舟過瑯溪即事誌感

貴池汪繼美嗣可

爲訪遺踪謁釣臺巋然古刹傍雲開鄂侯有像臨河澣
帝子無碑立水隈舊事已同滄海變新詩多被榜人催
漁舟幾點隨波泛誰問當年釣客來

秀山志

卷之十二

詩集

四六

秀山懷古

貴池方尚志又新

溶溶浦水古今流秀挺高峰控上游鶴駕何年辭北闕
龍樓依舊冠南州苔封石室山河老葉落荒臺草木秋
翹首夕陽餘感慨前星長照碧雲頭

選樓懷古

貴池夏月峰

帝子芳踪涉渺茫選樓高峙秀山岡藤蟠斷碣蚪文細
蘚壓殘陵馬跡荒六代文章留翰墨千秋蘋蓼荐馨香
幾回登眺尋遺事空對閒僧坐夕陽

秀山懷古

貴池夏光簡潤書

山勢西南偃蹇來岑樓高寄碧峰隈東環浦水烟嵐合
北控江雲保障開石篆蝌文迷舊雨陵封馬鬣點新苔
至今勝蹟還如此爲酌秋風酒一杯

文選樓

東流 張增榮 純一

梁苑多年禾黍生儲君猶有釣臺名卿雲高擁前星麗
皓月長依少海明千古文章分翠管六朝風韻擲金聲
至今俎豆綿秋浦誰嗣騷壇作主盟

昭明釣臺

東流 張書紳 御六

帝子聲名振選樓釣臺高處跡仍留綸竿曾繫波心月

秀山志

卷之十二

詩集

四七

歌咏時鷺水面鷗盈塢曉雲停鶴駕連潭秋雨擁龍舟
只今勝事隨波遠一帶斜陽古渡頭

文選樓

貴池 趙有琛 未獻

選樓高聳萬重雲暇日登臨意自殷鶴禁曉烟籠樹色
鏡潭夜月動波紋縹囊收盡溪山色翠管分裁漢魏文
石室於今遺典在不須柱下問皇墳

昭明釣台

貴池 張領 文英

手把長竿釣碧流郎崖遺跡至今留花飛莫遣隨芳餌
月落依然照玉鈞片石雲封蒼蘚繡一溪波靜錦鱗遊

瀟、細雨寒潭曲時有騷人駐小舟

釣臺

貴池 姚正祥 乾五

鶴駕多時入玉京頻年惟見釣台橫烟開遠浦連天淨
月湧空潭徹底清近岼至今留斷碣沉波終古躍潛鯨
回思當日垂綸處只有閒鷗結舊盟

秀山懷古

貴池 李兆純

翠疊青峰面、環儲君當日恣幽攀寄懷山水惟詩酒
托跡烟霞隔市闌緹帙時披高閣上釣竿閒拂白雲間
到今血食綿秋浦憑吊何須涕淚潛

秀山志

卷之十二

詩集

四八

昭明祠

貴池 汪芳魁 經五

大節懋敦應不朽况如帝子倍稱奇六朝往事何堪問
一瓣餘香寄所思秋水滌洄遲夜月秀峰鬢鬣護靈旗
牙籤樓上原充棟幾度摩挲晉魏詩

秀山懷古

貴池 梅春藻 煥宸

高峰秀色壓南州碧樹紛羅古刹幽野戍帶雲迷鶴駕
荒臺落日見漁舟六朝帝子存遺蹟千載騷人憶舊遊
銀榜青宮猶在目幾回瞻拜溯風流

文選樓

貴池 何學濂 遜周

江上高樓接太清
蕭梁文選舊題名
東宮遺事雲烟過
南國詞人筆陣橫
遠水發源千丈落
危峰插漢九枝擎
夜深忽聽松風起
都作當年夜雨聲

秀山懷古

貴池 梅文藻

翠岫嶙峋聳大觀
儲君當日恣盤桓
潭澄玉鏡牕前映
崖徹金燈座上看
緋帙彙成風雅集
選樓著述古今刊
蕭梁事業浮雲過
千載松楸護石壇

文選樓

貴池 柯森沛澍

雲樓百尺鎮山陽
輦駐文旌翰墨香
影疊牙籤風入戶

秀山志

卷之十二 詩集

四九

光縈玉軸月橫廊
至今秦漢窺書帙
自古笙鏞振典常
玉鏡釣臺分遠近
推窓何處問蕭梁

秀山即景

貴池 朱永紀

池陽山水愜心情
鶴駕南來駐遠旌
秋浦滌洄銀漢徹
瑯崖屈曲翠屏橫
相依釣石看魚躍
靜倚僧牕聽鳥聲
最是寢陵松竹好
年、菡萏陰佳城

文選樓

貴池 姚文濤 學波

遺愛裝來麥一舟
惠分秋浦澤曾周
閒情登閣吟風雨
豪氣當軒逼斗牛
玉鏡寒潭明月影
秀山青塚碧雲秋

凭臨高處時搔首鶴唳松聲聽轉悠

秀山謁昭明廟

貴池 趙堯祥階華

崔嵬傑閣壯千秋殷薦儲君酒一甌雲鎖蓉峰天外矗
月移蓮峽鏡中浮蠟鵝謗息題殘碣白鳳文高恥選樓
漫道蕭梁遺事盡釣臺終古仰風流

玉鏡潭

貴池 趙有瀾禹濤

瑯崖春盡柳飛綿一棹滄波翠接天遠浦似從銀漢瀉
片帆如在玉壺懸濤濤少海高低捲彩徹前星上下連
為問灘頭雙錦鯉何年曾被釣絲牽

秀山志

卷之十二 詩集

五十

釣臺

貴池 檀光沛甘澍

千古傳名一釣臺至今春漲自濤洄但鷺近岼魚鱗出
誰見當年鶴駕來風起晚涼牽荇藻雨晴晚色上莓苔
試看石碣題詩在小可停舟曲水隈

前題

貴池 胡凱華五

把釣何年江上來遺臺高據秀山隈綸竿收去烟波淨
鷗鷺遊時荇藻開兩岼風聲舟蕩漾一輪月色水濤洄
蕭梁事業今安在石碣留題點細苔

文選樓

貴池 方琛名達

選閣巍峩啟翠巔依稀風景望中傳一泓浦水仙槁接
幾點漁燈玉鏡聯夜色近懸書案月秋光橫掃釣臺烟
名流自是饒題咏登眺閒吟意洒然

昭明祠

貴池 謝時豐 慶章

帝子風流冠昔賢從知純孝著瑤編當年館閣羅英俊
此日松楸護墓田著述六朝文漆富馨香百代里人傳
空餘釣石巋然在時有閒鷗傍水眠

文選樓

東流 張 寬 遂懷

龍鳳簷飛接太清五雲還倚斗牛橫衣冠自與山河古

秀山志

卷之十二

詩集

五一

書卷長同日月明池上雨晴留鶴跡檻前春暖聽鶯聲
六朝韻事餘花艸許我登臨寫素情

秀山寺

釋 禪波

江南名勝羨池陽山秀溪清淺淡粧幾片雲嵐橫黛色
一泓練影鎖波光樓空帝子風流遠寺古僧家慧業長
何日芒鞋臨此地閒收烟景入詩囊

秀山懷古

釋 潛月

秀山何幸駐青宮遺愛流傳舞拜同慧業一生明似鑑
俗情千載澹如空林泉自在遨遊外詩賦都歸纂述中

試看樓頭題咏富年来應有碧紗籠

文選樓

貴池 唐遺風 寅功

天開靈秀待蕭梁選閣長流帝子芳詮註六朝輝藝苑
網羅千古煥宸章雲連畫棟前星燦翠繞朱櫺翰墨香
獨立樓頭追往蹟山光潭影共蒼茫

秀山

貴池 唐兆華 懷友

湛湛前星耀石城高懷獨喜秀山清嵐光望裡開圖書
黛色烟中拂旆旌選閣高撐明月上青宮遥接碧雲橫
此間的是甘棠地想見丞常萬古情

秀山志

卷之十二 詩集

五二

文選樓

青陽 夏之瑚 詒六

寸心千載一高樓今古文章帝子收不復花村追輦轂
尚餘浦鴈寫春秋儒生經傳隨時見都尉珊瑚遍客酌
豈謂梁園三百里枚鄒終日自風流
斗欲齊時石欲鞭鬼神風雨滿樓前撮歸天漢猶傳賦
燒盡秦宮不化烟山積翠濤飛萬里浦涵秋月掛千年
六臣當日煩書記今托青雲上簡編

謁秀山廟

桂五棟

祠塗金碧枕孱顏芳譽常留浦水灣文集珠璣天藻發

孝徵舞蹈至情闕蠟鵝學隙無端構笙鶴優游到處閒
况復湛息覃少海萬家香燕鷓鴣斑

秀山景物最怡人帝子棲真倍有神風送禽韶清似話
烟含松影淡如茵金燈噤放花千朶玉鏡潭空月一輪
領略我来猶淺一瓣香却喜野僧親

文選樓懷古

貴池 王譽隆

梁國儲君鶴駕留文章妙選仰風流十行並下聰由性
五夜分編韵滿樓光照前星藜遜皎瀾翻少海浦常秋
而今憑弔衣冠綉玉鏡潭邊幾溯游

秀山志

卷之十二

詩集

五三

文選樓懷古

貴池 曹俊 文英

傑閣凌空勢欲飛望中烟火石城微浦涵秋影鳧猶泛
山邈雲情鶴忘歸萬卷秘藏天地髓雙眸摩盪古今暉
登臨誰是後死者一上層樓一振衣

前題

貴池 王鳴鳳 舒翼

鶴駕曾來浦水遊我一選閣至今留南朝人物同登眺
東壁圖書待纂修拾盡珠璣綜六代編成卷帙祖千秋
宵深明月風樞入尚訝藜光映斗牛

釣臺

溪雲低鎖石鄰，帝子垂竿跡未湮。劇愛清音寄山水，不妨逸興托絲綸。鏡潭波映重光日，秋浦人歌有脚春。試問儲君人不見，臨風我欲酌醪醇。

前題

曹學誥志周

六代乘除業已湮，昭明猶共指星前。底從秋浦耽風月，直向寒潭卧雨煙。臺址依芳草，地垂竿拂蓼花天。浮雲富貴追高躅，數點漁燈照玉泉。

謁衣冠陵

貴池 韓膺錫

六代皇儲百代欽，陵臺高矗萃菁英。盤龍浦水波偏靜，

秀山志

卷之十二 詩集

五四

宿鶴松雲翠水橫，孝性不隨烟草沒。文章常與日星明，肅恭興拜平身立。巖谷依々若有聲。

釣臺懷古

貴池 王昌基思誠

勝地名區鶴駕遊，儲君垂釣至今留。絲綸波映晴光轉，山水風清曙色悠。石徑霄深明月滿，溪邊春暖暮雲浮。高瞻萬載人如在，憑弔芳踪彷彿求。

遊秀山昭明祠

貴池 王光顯我揚

帝子祠堂拂翠微，當年玉貌見依稀。蠟鵝偶瘞應啣悔，笙鶴長偕永不歸。古樹陰濃人勿翦，寢園烟淡月重輝。

仰瞻遺像情何極回首青山落晚暉

秋日過秀山廟

王光顯

少海息覃浦水間
我廟貌枕孱顏
諛生監國無由雪
志在尋山到處閒
選閣尚疑藜焰燦
釣臺爭愛石痕斑
秋高日暮涼颼起
應有翩翾鶴駕還

秀山志

卷之十二

詩集

五五

昭明聖殿落成

貴池 何光烈 天秩

古殿於今又建新
奐輪羨矣想儀宸
依稀極御弘文主
彷彿紳垂注釋臣
俎豆供如陳玉案
香烟馥郁裊金身
抑知誠格神斯佑
喜動天顏福到民

昭明祠懷古

前人

文身蹟舊誰能嗣
遜國風高獨可思
詭伺蠟鵝人漫滅
駕追笙鶴世猶知
固緣文自樓傳選
還是靈隨寢在斯
秋浦衣冠陵不朽
明禋香噴六朝時

紀遊秀山

前人

秀山志

卷之十二

五六

不好浮屠嬾寺遊
秀山供是大儒修
神依陵表衣冠古
文選樓傳道德優
浦水環閣秋氣爽
珠墩當殿寶光浮
行來不覺芳尋晚
謁罷辰居又借留

文選樓

桂春培

遙憶編書日危樓
逼漢間六臣雖有
註帝子自多才故
址欣重構閒遊擬
再來何須風落帽
仰止益崔嵬

謁秀山廟

桂運鴻

生為明主歿為神
英靈常愛秀山門
九州托庇陰功大
六字加封註古今

謁昭明墓

桂運鴻

暮秋時屆重陽節遊玩登高特遠行跋跣摠衣秀山地
虔心頂禮叩皇坟

秀山志

卷之十二

五七